

Në një dokument të Lidhjes së Prizrenit, të përkthyer nga osmanishtja nga Xhafer Belegu, e të postuar në profilin e tij në Facebook nga aktivisti i shoqërisë civile Rron Gjinovci shihen aktet e nxjerra nga kjo lidhje.

Si pikë kryesore e saj, ndër tjerash ishte edhe ajo në të cilën shkruante: “Lidhja e jonë asht formue me qëllim, që të mos njofi asnjë qeveri tjetër, përveç se ate të Perandoris otomane edhe të mbrojë integritetin toksuer duke përdorë të gjitha mjetet”(sic).

Veç kësaj, në një pikë tjetër shkruan: “Duke marrë parasysh gjendjen e Ballkanit, nuk do të pranojmë n’asnji mënyrë Bullgarin dhe as që duem t’i dëgjojmë emnin; edhe Serbia në rasë se nuk na i dorzon me të mirë tokët që na ka shkel, do te dërgojmë kundër sajë fuqi për me i a marrë me pushkë. Dhe kundër Malit të Zi do të veprojmë po në kët mënyrë”(sic).

Dhe ndër pikat tjera, “të veçanta”, transmeton Telegrafi, është edhe ajo ku përmendet “ligji i naltë fetar (sheriati)”.

“Në bazë të ligjit të naltë fetar (sheriati) do të mbrojnë jetën, pasunin, dhe nderin edhe t’atynë që s’janë muhamedanë, po janë besnikë, baras me t’onat. Do të marrim masa ndëshkimore kundra kryengritësve, duke i dënue sipas fajit”(sic).

1) Lidhja e jonë asht formue me qëllim, që të mos njofi asnji qeveri tjetër, përveç se ate të Perandoris otomane edhe të mbrojë integritetin toksuer duke përdorë të gjitha mjetet.

2) Qëllimi i jonë i naltë asht, me mbrojtë të drejtat e personit të pa-përgjegjshëm të Madhnis së Ti Sulltanit, Sovranit t'onë.

Na do t'i qujmë anmiq të kombit e t' atdheut gjith ata që na kundërshtojnë dhe prishin qetsin; gjith' ashtu edhe ata që përpiqen me dobsue auktoritetin e qeveris si dhe bashkpunusit e ktyne. Në rasë se kta trubullues nuk hekin dorë, do të qiten jasht shtetit.

3) Ata delegatë të krihinave të tjera që dishrojnë me hy në lidhjen t'onë, do t'i pranojmë me gjithë gëzirm e do t'i regjistrojme në listën e antarve të Lidhjes si miq të qeveris e të vendit.

4) Në bazë të ligjit të naltë fetar (sheriati) do të mbrojnë jetën, pasunin, dhe nderin edhe t'atyne që s'janë muhamedanë, po janë besnikë, baras me t' onat. Do të marrim masa ndeshkimore kundra kryengritësve, duke i dënue sipas fajit.

5) Të gjitha shpenzimet për luftarët që do të mbledhin krahinat do të rregullohen e do të përballohen në bazë të dispozitave të vendimeve që do t'apim.

Fuqiat ndihmëse, t'ardhuna prej së jashtmi, do të pranohen me kënaqësi në kontingentin t'onë.

6) Duke marrë parasyshë gjendjen e Ballkanit, nuk do të pranojmë n'asnji mënyrë që të marshojnë mbrenda tokëve t'ona ushtëri të hueja.

Ne nuk do të njofim me asnji mënyrë Bullgarin dhe as që duem t'i ndëgjojmë emnin; edhe Serbia në rasë se nuk na i dorzon me të mirë tokët që na ka shkel, do te dërgojmë kundër sajë fuqi për me i a marrë me pushkë.

Dhe kundër Malit të Zi do të veprojmë po në kët mënyrë.

7) Atyne bashkatdhetarve dhe besnikve të qeveris në Balkan të cilët kanë me hy në Lidhjen t'onë, do t'u apim dorën e do të ndihmojmë njani tjetrin si pas rasës e nevojës.

8) Në rasë se një krahinë, për zbatimin e një vendimi të Lidhjes, has në kundërshtime, krahinat fqij, në bazë të marrveshtjes, do të shpejtojnë me i ndifë në të kryemit të qëllimit.

9) Cilido që del prej Lidhjes t'onë, Zot na ruej! Cilido që ban spiunazhë, e cilido që vepron mbas qejfit të vet e nuk ndëgjon urdhnat e të parve, do të ndeshkohet me dënimin që meriton.

10) Kurë një vendës i një krahine të Lidhjes kushdo qoftë e nga çdo fe që t'jetë, kërkon të dali nga Lidhja, nuk do të lejohet me shkue as në Serbi as në Mal të Zi. Po në qoftë se shkon, do të njëfjet spiun e do të dënohet sipas vendime në fuqi.

11) Kushdo prej nesh që ka vû në dispozicion të Lidhjes fuqin e 'ti sipas zotsis, dhe u shmangët detyrime të marruna përsipër e s'u vë vesh ose kundërshton urdhnat ose shpërdoron detyrën ose sillet brutalisht ose ban ndonji çnderim, do të ndeshkohet me një dënim relativ me fajin që ban.

12) Dërgimi i fuqive, thirrja dhe përdorimi i tyne do të rregullohen sipas instruksioneve që janë duke u-përpilue.

13) Për me zbatue kta nene, do t'i epet një randësi o kujdesje e veçante korespondencës.

14) Asht e ditun që qeverija nuk do të lejohet me asnjë mënyrë me i ndërhy Lidhjes në punët e veta; as Lidhja nuk do t'i trazohet qeverisë në administratë; për ndryshe, kjo gjâ do të quhet një cënim i të drejtës së saj.

15) Një kopje e kti vendimi do t'i paraqitet çdo krahinë dhe qyteti.

16) Në bazë të besës së lidhun prej përfaqësuesve të burrave të pa-trembun të Shqipnis së Veriut, e asaj të Jugut e